

FORUM ONG TIMOR LESTE THE TIMOR LESTE NGO FORUM



Rua do Mercado Municipal , Dili Timor-Leste/ Mobile Phone +670 77998304/ 77236782/ forumong.tl@gmail.com, joao.fongtil@gmail.com/ <https://fongtil.org.tl/>

RELATÓRIU MONITORIZASAUN VASINA SEMANA DASANULURESIN IDA

(31 Agostu to 3 Setembru 2021)

Introdusaun

Forum ONG Timor-Leste (FONGTIL) kontinua halo advokasia liu husi enkoraja membru sira hodi kontinua halo monitorizasaun ba vasina iha territóriu tomak atu aseguira iha kualidade, efikasias no inklusivu ba retroasaun prestasaun servisu no aseguira komunidadade ninia direitu hodi asesu ba informasaun, hasa'e taxa partisipasaun vasina hanesan meius ida hodi kontribui ba prevensaun COVID-19 iha Timor-Leste.

Dadus sira ne'e rekolla liu husi ONG sira ne'ebe halo vizita direta ba fatin vasinasaun hodi hare no analiza situasaun aktual ne'ebe akontese durante no depois vasinasaun nomos atendementu husi pesoal saude atu aseguira kestaun ne'ebe mensiona iha leten.

Atu responde prosesu vasinasaun lao ho kualidade no taxa partisipasaun komunidadade masimu, FONGTIL kria ona matadalan hanesan :pontuasaun 1. ladi'ak,2. Ladún/natoon no 3. di'ak/Diak liu), atu nune'e kada semana ita bele hatene mudansa signifkante no problema ne'ebe hasoru hodi hadia ba futuru nune'e mos dadus sei analiza ho persentazen ba indikador sira ne'ebe iha.


Nune'e iha loraon 31 Agostu to 3 Setembru 2021, membru Forum ONG Timor-Leste (FONGTIL) hamutuk 12 maka halo ona monitorizasaun iha munisipiu Lautem, Aileu, Bobonaro, Ermera, Baucau, Viqueque, Manatutu, Manufahi no Liquiçá ne'ebe kobre facilidade saúde ou sentru saude ho nia Detallu hanesan tuir mai ne'e:

Munisipiu	Organizasaun	Responsavel	Fatin Monitorizasaun
Lautem	NGO FUNERO LOSPALOS, NGO PROSPEK, A.HFTL	Rosita da Silva, Clementino da Costa, Marcos soares	Sentru Saude Lospalos, Suku Fuiloro Postu Lospalos , Sentru saude Lautem
Aileu	Resource and TraningCenter(ARTC)	Quintão Alves Mendonca	Posto Saude Berele Baru no Lama, Posto Lequidoe, Municipio Aileu, Centro Saude Namolesso, Suko Betulau, Posto Lequidoe, Municipio Aileu
	HaforsaInformasaun Saude (HIS)	Pedro de Jesus Amaral	Centro Saude Aileu-Vila, Suko Seloi Malere,Posto Aileu-Vila

Bobonaro	Fundasaun Haburas Moris (FHM)	Emerenciana Nipu & Juliana Moniz	Municípiu Bobonaro, Postu Maliana, postu Saude Ritabou, Sentru saude Balibo, Sentru saude Goulolo (Cailaco).
Ermera	Hametin Democrasia no Igualdade HDI	Crisanto do Carmo	Aldeia Tahubate Posto Railaco
	Institutu Matadalan Integradu (IMI)	Joanico de Deus Soares	Sentru Saude Posto Letefoho
Baucau	A. UFD Baucau	Lourenco Zacarias Pinto	Sentru Saude Riamare – PA. Baucau Villa – Munisípiu Baucau
			SENTRU SAUDE BUCOLI-PA, Baucau Villa- Munisípiu Baucau, HOREX baucau. Sentru saude Uailili, Sentru saude Bucoli.
Viqueque	Knua Haburan Comunitade (KHC)	Adalgiza Soares	Postu Saude Viqueque Vila, Munisípiu Viqueque
Liquica	Radio Komunitade Tokodede	Eduardo Tchea Exposto	Sentro Saude Maubara. (Suku Vaviquinia, Posto Maubara, Município Liquica)
Manufahi	Luta ba Mudansa	Andre Moreirra, Isaias Soares Dos Resi, Marciano De Jesus	Suku Liurai, suku Mindelu, suku Matorec Posto Turiscail,
Manatuto	Asosiasaun Moris Foun Manatuto	Januario Natalino Soares da Silva	Posto Saude Manatuto Vila

Analiza no Deskobrementu


Grafiku 1: Total taxa partisipasaun komunitade hosi kada munisípiu



Resultadu monitorizasaun ba fatin vasina iha munisipiu 9 hatudu taxa partisipasaun bo'ot liu iha munisipiu Aileu, Lautem, Manatuto no Liquica, enkuantu iha munisipiu seluk iha semana ne taxa partisipasaun kik liu kompara ho semana kotuk nian. Numeru komidade ba simu vasina Doze Daruak barak liu ida ne akontese iha munisipiu Aileu, Ermera, Bobonaro, Baucau, Manufahi, Liquica no Viqueque kompara ho sira nebe ba simu vasina Doze Dahuluk. Ida ne hatudu katak komidade barak mak sei duvidas nafatin atu ba simu vasina tanba informasaun hoaks kontinua espalla iha rai laran liu hosi media sosial sira.

Nota balun husi resultadu deskobrimentu, ne'ebe pesoal saude sira ho lideransa autoridade sira ladun fo prioridade ba asuntu feto no ema ho defisiensi sira hodi asesu ba iha vaksina tanba menus kuinesimentu sosializasaun ba ema ho defisiensi.


Grafiku 2. Taxa partisipasaun komidade simu vasina entre feto ho mane



Iha grafiku 2 hatudu partisipasaun feto sira ba simu vasina as liu mane sira iha munisipiu Manatuto no Liquica enkuantu iha munisipiu seluk laiha diferensia bot entre feto ho mane. Ida ne hatudu katak feto sira mos iha ona konsiensia atu ba simu vasina hodi prevene hosi moras

Covid19. Infelizmente taxa partisipasaun komidade sira ba simu vasina iha sentru vasina laiha dadus konaba numeru Ema ho Defisiensi (EhD) sira nia partisipasaun ba simu vasina

Grafiku 3 Prestasaun servisu iha sentru vasina nian



Rezultadu monitorizasaun nebe halao ba sentru vasina iha munisipiu 9 iha semana ne nia laran (31 Agostu to 3 Setembru 2021) hatudu nia rezultadu hanesan tuir mai ne'e:

1. Iha munisipiu balun pesoal saude sira kontinua halo sosializasaun ba komunidadade hodi hasae komunidadade sira nia konsiénsia konaba importansia simu vasina, ida ne hatudu iha grafiku taxa partisipasaun komunidadade sira nian nebe kontinua ba simu vasina
2. Pesoal saude iha fatin vasina atende komunidadade sira ho diak tuir protokolu saude nian
3. Maioria sentru vasina iha munisipiu sira iha stock aimoruk vasina nebe sufisiente
4. Lider komunitariu iha sentru vasina barak mak hahu aktivu hodi enkoraja komunidadade sira ba simu vasina
5. Taxa partisipasaun fetu iha sentru vasina iha munisipiu sira as.
6. Fasilidades sira ne'ebe mak iha sentru vasina iha - barak mak seidauk diak hanesan espasu klot, kadeira atu tur la sufisiente, fasilidade be mos menus
7. Fasilidades la asesivel ba ema ho defisiensia mak hanesan: Spasu klot, sintina la asesivel, eskada a'as nsst.
8. Rezultadu deskobrimentu nebe rekomenda ba ministeriu saude atu hadian ka kompleta iha sentru vasina sira iha barak mak seidauk iha mudansa hanesan sentru vasina barak mak kontinua la asesivel ba Ema ho Defisiensia (EhD) atu ba simu vasina, fasilidade be mos no saniamentu no ekipamentu saude sira
9. Taxa partisipasaun Ema ho defisiensia hanesan tuir tipu defisiensia mak: Defisiensia Matan, Tilun no koalia, Fisiku, Physiko sosial ka Intelektual iha sentru vasina iha munisipiu sira laiha.

Rekomendasaun sira

1. Persija mantein kolaborasaun servisu diak entre pesoal saude, autoridade local no chefe suku sira iha sentru vasinasaun hodi aseguara partisipasaun komunidadade ba simu vasina.
2. Persija halo kolaborasaun ho Igreja hodi aseguara taxa partisipasaun komunidadade bele aumenta hodi aseguara prevensaun COVID-19 ne'ebe efetivu
3. Presiza kria kondisaun diak atu ema ho defisiénsia bele asesu mai vasina iha fatin hotu iha Timor laran tomak no persija rejistu ema ho defisiensia ketak hodi nune'ebe bele hatene numeru ema ho defisiensia hira mak simu ona vasina.
4. Presiza hasa'e liu tan kampaña ka sensibilizasaun ba fatin rural sira, no iha facilidade saúde kona-ba regra vasinasaun, kria kondisaun no organiza distánsia sosiál iha fatin vasinasaun nian Tarjetu kampaña ba Timor tomak.
5. Presiza hasa'e rekursu ema hodi kobre fatin dook sira, liu husi kooperasaun ho lider komunidadade, inklui kampaña hodi halakon rumores ka HOAX iha komunidadade nia le'et no harii fali konfiansa komunidadade nian mai facilidade saúde sira, hanesan iha Postu Saúde Letefoho, Railaco no fatin sira seluk.
6. Kompletu facilidade ijiene nian iha facilidade saúde, sentina, fatin observasaun no kadeira hodi fasilita komunidadade sira bele sente konfortavel iha fatin vasinasaun, liu-liu hanesan Sentru Saúde Uailili no Sentru Saúde Riamari
7. Husu ministeriu saude rejista mos ema ho defisiensia sira nebe simu vasina tamba dadus ba ema ho defisiensia simu vasinasaun ita ladun hetan tamba ne'e husu atu hadia mekanismu no konsiderasaun ba ema ho defisiensia sira iha baze dedus iha sentru vasina nian.
8. Husu ba Ministeriu saude atu implementa mekanismu no politika MS inkluzau liu tan hodi koresponde ba ema ho defisiensia tuir sira nia nesesidade.
9. Husu ba MS nia ekipa atu direita ba iha komunidadade hodi hala'o Sosializasaun kona Moras COVID-19 no Funsau husi Vasina Astrazeneca no Sinovac.